

ጳውሎስ ቆላሲያሳ ኣሳው ፃፊዳ ኪታ ጌሉዋ

ጳውሎስ ቆላሲያሳ ኣሳሲ ፃፊዳ ኪታይ ፃፊቲዳዊ፣ ኤፌሶኔ ኣሳው ፃፊቲዳ ኪታና ኢቲ ዎዲያና ማላቲ። ሄዌካ ቄሪ ኢሲያን፣ ኤፌሶኔፔ ኣዋይ ዶሊያ ባጋና ቤቲያ ቆላሲያሳን ዴዲያ ኣማኒያ ኣሳቱዋሳ ጊዲዳ ላዑዋ ጊዶን ዴዲያ ዲማቲላይ፣ ቆላሲያሳ ኣሳው ፃፊቲዳ ኪታይ ኪሪሰቶሲ ሜዴታ ኡባሲ ሁጹ ጊዲያዋ ቤሲያ ዎዴ ኤፌሶና ኣሳሲ ፃፊቲዳ ኪታይ ቃሲ ኪሪሰቶሲ ዋሳ ጎሌው ሁጹ ጊዲያዋ ቤሴ። ሃ ኣሳቱዋሲ ቃላ ማርካቲዳዊ ጳውሎሳ ጊዳና ጳዮፔካ፣ ሮሜ ጋዲያን፣ ኢሲያ ዋና ካታማ ጊዲያ ኤፌሶኔፔ ኡንቱንቱሲ ኦሊያ ኣሳቱዋ ኪቲያዊ ኣ ጊዲያ ዲራው፣ ቆላሲያሳውካ ኣዋቲያ ሃናታይ ኣው ዴዴ። ቆላሲያሳ ኣማኒያዋንቱ ጊዶን፣ «ፆሳ ኤራናውኔ ኩሜንሳ ኣቶቲላ ዴማናው፣ ኣሳይ ኡባይ ኣያና ዎልቃቱዋሲኔ ማታይ ዴዲያዋንቱሲ ጎዴናው ኮሺ» ያጊያ ዋርዶ ኣስታማራቲ ዴዲያዋ ጳውሎስ ሲሴዳ። ሃ ኣስታማራቲ ሃራባ ቃሲ፣ «ኣሳይ ኡባይካ ቃፃራ ማላቲያ ዎጋቱዋሲ ዋዴታናውኔ ቁማ ዎጋኔ ሃራ ዎጋቱዋ ኡባ ናጋናው ኮሺ» ያጊና።

ጳውሎስ ሃ ኪታ ፃፊዳዊ ቱማንቻ ጊዲያ ኪሪሰቲና ኪታ ኦዲያዋን፣ ኡንቱንቱ ዋርዶ ቲሚርቲያ ጳልቃናሳ። ኢ ዛሬዳ ዛሩዋፔ ዋናቲያዊ «ዩሱሲ ኪሪሰቶሲ ኩሜንሳ ኣቶቲላ ኢማናው ዲንዳዬ፤ ሃ ሃራ ኣማናቲኔ ኦሳቱ ኣፔ ሃሳናው ዲንዳዬና» ያጊያዋ። ፆሳይ ኪሪሰቶሳ ባጋና ሃ ኣላሚያ ሜዴዳ። ቃሲ ኣ ባጋና ዛሪዴ ኣ ባሪኮ ኣሃና። ሃ ኣላሚያሲ ኪሪሰቶሳ ዎዛናፔ ኣማኒያዋ ዓላላን ኣቶቲላ ሂዶታይ ዴዴ። ሃዎ ማራን ጳውሎስ ሃ ዎልቃማ ቲሚርቲ ኣማኒያ ኣሳ ዴዑዋን ዋኒዴ ኦሱዋን ፔሻናው ዲንዳዬንቶ ኦዴ።

ሃ ኪታ ጳውሎሳፔ ኣኪዴ፣ ቆላሲያሳ ጋላናው ኪቲቲዳ ቲኪቆሳና ኢቲፔ ቤዳዊ ኣናሲዋሳ ጊዲያዋ ቤዲያዊ ጎዲያዋ። ዋኒዴ ጎፔ፣ ጳውሎስ ሃ ኣናሲዋሳ ጌቲቲያ ባሪ ኣሳንቻባ ዴንሳዴ፣ ፒሊዋናው ሃራ ኪታ ፃፊዳ።

ሼዎፓቱዋ ኡባቱዋሲ ኢሜቲዳ ቃንሳ ቆፋቱዋ

ጌሉዋ (1:1-8)

ኪሪሰቶሳ ኤሻኔ ኦሱዋ (1:9-2:19)

ዩሱሳን ቤተያ ኦራላ ዳዑዋ (2:20-4:6)
ዉርሴላ ቁቴያ (4:7-18)

1 ታኒ ጳዉሎሲ፡ ያሳ ሸኒያን ኪሪሰቶሲ ዩሱሲ ኪቴዳዋ ጊዳዳዌኔ ኑ አሻይ ደሞቶሲ፡

2 ቆላሲያሳ ጊያ ካታማን ዳዒያ ያሳ ናናቶ፡ ኪሪሰቶሳን አማኔቴዳ አሻቶ ሃ ዳቢዳቢያ ፃፊቶ፡

ያሳ ኑ አዉዋቴኔ ጎዳ ዩሱሲ ኪሪሰቶሳቴ፡ አጵ ኬካቴላዪኔ ሳሮቴላይ ሂንቴንቶ ጊደ፡

ጳዉሎሲ ዋሴዳ ጋላታ ዋሳ

3 ኑኒ ሂንቴንቶ ዋሴዳ፡ ኑ ጎዳ ዩሱሲ ኪሪሰቶሳ አዉዋ፡ ያሳ ኡባ ዋዴ ጋላቴቶ፡

4 አዪሲ ጎቴ፡ ኑኒ ኪሪሰቶሲ ዩሱሳ ሂንቴንቱ አማኒያዋኔ ያሳ አሳቱዋ ኡባ ሰቂያዋ ሲሴደ፡

5 ቱሙ ኪታይ ዋንጋላይ ኮዪር ሂንቴኮ ዩዳ ዋዴ፡ ያሳይ ሲንሳቴ አማና ጌዳዋ ሲሴዲታ፡ ሲሚ ሂንቴንቱ አማኑኔ ሰቁ ሳሎዋን ጊጊዳ ናጊያ፡ ያሳይ ሲንሳቴ አማና ጌዳዋን ደሚቴዳ፡

6 ሄ ዋንጌሊ ሂንቴኮ ጋኬዳ፤ ሂንቴንቱ አ ሲሶዴፔኔ ያሳ አጵ ኬካቴላ ቱማቴላን ኤርዴፔ ደሚዳ፡ ሂንቴንቱ ጊደን ዳዒያዋዳንካ፡ ቢታ ኡባን አንጂዋ አሄኔ ኡባሳ አኬ፡

7 ሂንቴንቱ ሄዋ ኑናና አቲፔ ቆማ ጊዳዳ ሲቆ ኤፓፊራፔ ታማሪዲታ፤ ኢ ኑ ዲራው ኪሪሰቶሳው አማኔቴዳ ኦሊያዌ፡

8 ያሳ አያናን ሃራቱዋ ሂንቴንቱ ሰቂያዋ ኑሲ ኦዴዳ፡

9 ሄዋ ዲራው፡ ኑኒ ቃሲ ሄዋ ሲሴዳ ጋላሳፔ ደሚዳ፡ ያሳይ ሂንቴንቶ ባሬ ሸኒያ ኤሪያ ኤራቴላ፡ ያሳ አያናይ አሚያ አጼዳ ኤራቴላናኔ አከካና አቲፔ ኩንሊዳ አማናዳን፡ ኡባ ዋዴ ባሌናን ያሳ ዋሴቶ፡

10 ሄዋፔ ጉዪያን፡ ጎዳይ ኮዪያዋዳን ሂንቴንቱ ዳዳናዉኔ፡ ኡባ ዋዴ አ ናሼቺያባ ኦላናው ዳንዳያና፤ ሂንቴንቱ ኦሊያ ሎዖ ኦሱዋ ኡባን ሂንቴንቱ ዳዑ ጎዳና ዳዒያዋ ጊዳናዋ፤ ቃሲ ያሳ ኤሪያዋን ዲጨ ዲጨ ባኒታ፡

11 ሂንቴንቱ ኡባባኒ ናሼቻን ጌንጫናዳኒኔ ዳንዳያናዳን፡ ያሳይ ባሬ ቦንቹዋ ጊታቴላዳን አሚያ ዋልቃ ኡባን ሚኒቴ፡

12 ቃሲ ያሳ ናናቶ ጊጌዳ ፖዖ ካዉቴላ ላታናው፡ ኑና ዳንዳዪሴዳ ያሳ አዉዋ ጋላቴቴ፡

13 ኢ ኑና ቆማ ዋልቃፔ አሺዳ፡ ባሬ ሰቂያ ናዳ ካዉቴላኮ ፒንሴዳ፡

14 ቃሲ ኢ ባሬ ናዳን ኑና ዋዚዳ፡ ኑ ናጋራ አቶ ጌዳ፡

ኪሪስቶስ ያሳቴላኝ እ ኦሱዋ

15 ኪሪስቶስ በቴና ያሳ ቆንጨሲያዎ፤ ኢ ሜዴቴዳዎ ኡባፔ ኣዲያ ባይራ ናዓ።

16 ኣዪሲ ጎፔ፣ ኡባባይካ ኣኒ ሜዴቴዳ፤ በቴያዎንቱ፣ በቴናዎንቱ፣ ኣያናቱዋፔ በቴያ ዎልቃይኔ ጎዳቴላይ፣ ዶቃቴላይኔ ማታይ፣ ሳሉዋኒኔ ሳዓን ዴዒያ ኡባባይካ ኣኒኔ ኣው ሜዴቴዳ።

17 ኢ ኡባባፔ ካሴ ዴዔዳ፤ ኡባባይካ ኣኒ ባሬ ሳዓ ሳዓ ኦይቁዴ ዴዔ።

18 ኢ ባሬ ሁጵው፣ ዎሳ ጎሌው ሁጵኔ ዴዎ፤ ኢ ኡባፔ ቦላ ጊዳና ማላ፣ ካሴቲዴ ሃዩቁዋፔ ዴንዴዳ ባዩራ ናዓ ጊዴዳ።

19 ኣዪሲ ጎፔ፣ ያሳይ ኮዬዳዎዳን፣ ኣኒ ያሳቴላ ኩሚንላይ ዴዔ።

20 ያቴና ያሳይ ኪሪስቶስ ባጋና ኡባባ ባሬናና ሲጌላናው ዬወዎ ቃቹዳ፤ ባሬ ናዓይ ማስቃሊያ ቦላን ጉሴዳ ሱላን ሳሉዋኒኔ ሳዓን ዴዒያ ኡባባ ባሬናና ሲጌላዳ።

21 ሃዋፔ ካሴ፣ ሂንቴንቱ ኢታባ ቆፔዳ ዲራውኔ ኦሴዳ ዲራው፣ ያሳፔ ሻኬቲዴ፣ ኣናና ሞርኬቴዲታ።

22 ሺን ያሳይ ሃዒ ሂንቴንታ ፖኮባይ ባዩናዎንታኔ ቃሲ ጌሻቱዎ ኦሴዴ፣ ባሬ ሲንሳ ሺሻናው፣ ባሬ ናዓ ሃዩቁዳዎ ኣሳቴላን ባሬናና ሂንቴንታ ሲጌላዳ።

23 ሄዌ ሂንቴንቱ ቱሙ ኣማኑዋን ሚኒ ኤቁዴ፣ ሚሺራቹዎ ቃላ ሲሲዴ፣ ሲንሳፔ ኣካና ጌዳዋፔ ቃፃናን ሚኒዴ ዴዎፔ ሃናና፤ ሄ ዎንጋላ ሚሺራቹ ሳዓን ዴዒያ ሜዴታ ኡባ ማታን ኦይቴዳ። ታኒ ጳውሎሲካ ሚሺራቹዎ ቃላ ኦዲያዎ ጊዳዲ።

ጳውሎሲ ዬሱሲ ኪቴዳዎ ጊዲዴ ኦሴዳ ኦሱዋ

24 ታኒ ሂንቴንቶ ዋዬቴዳ ዲራው፣ ሃዒ ናሺታይ፤ ኪሪስቶስ ባሬ ሁጵው፣ ሄዎ ጊያዌ ዎሳ ጎሌው፣ ዋዬቲሺን ፓጩዳዎ ታኒ ታ ቦላ ሳኩዋን ኩንሳይ።

25 ያሳይ ታና ሂንቴንታ ማዲያዎኔ እ ቃላ ፖላዴ ኦዲያ ኣሺካሬቴላ ኪታ ታው ኢሚዳ።

26 ሃ ቃላይ ሃዋፔ ካሴ ባጋ ኡባን፣ ኣሳ ኡባው ኤሬቴናን ጌሚዴ ዴዔ፤ ሺን ባሬና ኣማኒያዎንቶ ያሳይ ሃዒ ቆንጨሲዳ።

27 ያሳይ ኣዪሁዳ ጊዴና ኣሳው ዎሴዳ ሃ ኣሳው ቆንጨሲና ቦንቹዎኔ ዲሬ ዬወ ኣዬንቶ ጌሻቱዎ ኤሪሳናው ኮዬዳ፤ ሃ ኣሳው ሃዒ ቆንጨዳዊ ኣዬ ጎፔ፣ ኪሪስቶስ ሂንቴንቱን ዴዒያዎ፤ ሄዎ ጊያዌ ያሳ ቦንቹዎ ኣናና ሂንቴንቱ ኣካናዎ።

28 ሄዋ ዲራው፡፡ ኑኒ አሳ ኡባው ኪሪሰቶሳዋ ኦዴቶ፤ አሳ ኡባ ኪሪሰቶሳን ኩሜንላ አሳ ኦሊዴ፡፡ ያሳኮ ሸሻና ማላ፡፡ ኑሲ አዴዳ ኤራቴላ ኡባን ሂንቴንታ ሴራቶኔ ታማሪሴቶ፡፡

29 ታኒ ሃዋ ፖላናው፡፡ ታናን ኦሊያ ኪሪሰቶሲ ታው ኢሚያ ዋልቃን ባዴታይኔ ዳቡራይ፡፡

2

1 ታኒ ሂንቴንቶኔ ሎዶቂያ ጊያ ካታማን ዴዲያ አሳቶኔ ቃሲ ታና ቤዲቤና አማኒያዋንቶ ኡባቶ አይ ከና ባዴታዲታንቶ ሂንቴንቶ ኤራና ማላ ኮያይ፡፡

2 ኡንቴንቶ ዋዛናይ ሚናና ማላ፡፡ ሲቁዋን ኢቲፔ ጊዲዴ፡፡ ቱሙ አከካን ቤቲያ ዲራቴላ ኡባ ኡንቴንቶ አካና ማላኔ ቃሲ ኡንቴንቶ ያሳይ አሳው ቆንጨሲቤናዋ፡፡ ኪሪሰቶሳ አ ሁጹው ኤራና ማላ፡፡ ታኒ ዳቡራይ፡፡

3 ጌማን ያሳይ ሚንጄዳ ኤራይኔ አዴዳ ኤራቴላይ ኡባይ አኒ ዴዴ፡፡

4 አኒኔ ሂንቴንታ ጨሚያ ቃላን ባሌጮና ማላ፡፡ ታኒ ሂንቴንታ ሃሳዱሳይ፡፡

5 አዱሲ ጎፔ፡፡ ታኒ ሂንቴንቶ ማታፔ ሃካዴ ዴፖፔካ፡፡ አያናን ሂንቴንቶና ዴዳይ፤ ሂንቴንቶ ዴዲያ ማራኔ ኪሪሰቶሳ ሂንቴንቶ ሚኒዴ አማኒያዋ ቤዳዴ ናሼታይ፡፡

ኪሪሰቶሳን ቤቲያ ኩሜንላ ዴቡዋ

6 ሲሚ ሂንቴንቶ ጎዳ ኪሪሰቶሲ ዬሱሳ አከዳዋዳን፡፡ አኒ ዴዴ፡፡

7 አኒ ፃጶዋ ዬዲዴ ዲጨቲ፤ ሂንቴንቶ ታማሪዳዋዳን አማኑዋን ሚኒቲ፤ ያሳ ኡባ ዎዴ ጋላቲቲ፡፡

8 ኪሪሰቶሳፔ ጊዴና ቲሚርቲያን፡፡ ሃ ሳዓ ሞዲያ አያናቱዋ ቲሚርቲያኒኔ፡፡ አሳፔ ዬዳ ኤራቴላን፡፡ ቃሲ ሜላ ጨሙዋን ሂንቴንታ አኒኔ ኦሞዴና ማላ ናጌቲቲ፡፡

9 አዱሲ ጎፔ፡፡ ኪሪሰቶሳ አሳቴላ ቦላን ያሳቴላ ሜዴታ ኩሜንላይ ዴዴ፡፡

10 ቃሲ ኡባ አያናቱዋ ካፖቴላዉኔ ጎዳቴላው ኡባው ሁጹ ጊዲያ ኪሪሰቶሳፔ ኩሜንላ ዴቡዋ ዴሜዲታ፡፡

11 ሂንቴንቶ ኪሪሰቶሳና ኢቲ አሳ ማላ ጊዲዴ፡፡ አሳ ቃፃራ ማላ ጊዴናን፡፡ ሂንቴንቶ ናጋራንቻ ሜዴታ ዲጊያ ቃፃራ፡፡ ሃዌካ አሹዋ ቃፃራ ጊዴናን ኪሪሰቶሲ ኦሊዳዋ፡፡

12 ሂንቴንጉጌ ፃማቁቴዳ ዎዴ፡ ኪሪሰቶሳና ሞጌቴዴ፡ ኪሪሰቶሳ ሃዪቁዋፔ ዴንፊዳ ያሳ ዎልቃ ኣማኔዳ ዲራው፡ ኦራላ ዴቡዋሲ ዪንቃታን ኪሪሰቶሳና ኢቲፔ ዴንዴዲታ።

13 ሂንቴንጉጌ ሂንቴንጉጌ ናቁዋኒኔ ሂንቴንጉጌ ኤጫ ኣሳቴላ ቃፃሪቴናን ኣኤዳዋን ሃዪቁዴ ዴዒያ ዎዴ፡ ያሳይ ሂንቴንጉጌ ናቁዋ ኣቶ ጊዴ፡ ኪሪሰቶሳና ሂንቴንጉጌ ፓፃ ዎሌዳ።

14 ኦና ኢዲያ፡ ኣጩዎ ፓራማ ኣ ጫቁዋና ኢቲፔ ያሳይ ዳኬዳ፤ ማሰቃሊያ ቦላን ጲሺዴ፡ ኦጊያፔ ዲጌዳ።

15 ኪሪሰቶሲ ሄ ማሰቃሊያን ካፓቱዋፔኔ ጎዳቱዋፔ ዎልቃ ዎሌ ኣኪዴ፡ ባሪ ያኦዋኔ ኦሞዴቴዳዋንጎታ ቆንጨያን ቤሴዳ።

16 ሄዎ ዲራው፡ ሙሳን ዎይ ኡሻን፡ ባላ ጋላሳ ዎይ ኣጌናይ ፃሪያ ዎዲያ ቦንቺያዋን፡ ዎይ ሳሞባታ ቦንቺያዋን፡ ኦኒኔ ሂንቴንጉጌ ቦላ ፒርዶፖ።

17 ሃዋንጉጌ ሲንላፔ ያና ዬዎቱዋሲ ኤሹዋ፤ ሺን ቱማቴላይ ኪሪሰቶሳዋ።

18 ዎርዲዎ ኣሺኬ ማላታናውኔ ኪታንቻው ጎዪናናው ኮዪያዎ፡ ቤዒቤናዎ ሳፃን ቤዒዲ ጊዴ ኦቶሬቴያዎ፡ ኣሳቴላ ቆፋን ጮ ኣዪያዎ፡ ኦኒኔ ሂንቴንጉጌ ቦላ ፒርዶፖ።

19 ሄዎ ማላ ኣሳይ ሁጺ ጊዲያ ኪሪሰቶሳ ሚኒሲ ኦይቁዳዎ ለፕሴ። ቦላ ኡባይ ሄ ሁጺያፔ ዎልቃ ዴሚዴ፡ ቦላን ዴዒያ ኩሪያናኔ ፃጶዋና ኢቲፔ ኦይቁቴዴ፡ ያሳይ ዲቺያ ዲሹዋዳን ዲጩ።

ሃይቁዋንካ ፓፃንካ ኪሪሰቶሳና ዴዒያዎ

20-21 ሂንቴንጉጌ ሃ ሳዓ ሞዲያ ኣያናቱዋፔ ሃኪዴ፡ ኪሪሰቶሳና ሃዪቁዲታ፤ ያቲና፡ ኣዪሲ ሃ ሳዓ ዎጋን ዴዒያ ኣሳዳን ዴዒቴ? «ኦይቆፓ፤ ባራ ቤዎፓ፤ ቦቾፓ» ያጊያ ሂጌቶ ኣዪሲ ኣዛዜቴቴ?

22 ሃ ኡባባይካ ኣሳይ ሜዴዳ ሃጌኔ ቲሚርቴ ጊዲያ ዲራው፡ ዎዲያፔ ጉዪያን ጳያና።

23 ኡንጉጉጌ ኪታንቻው ጎዪኒያዋኒኔ ዎርዲዎ ኣሺኬ ማላቴያዋን ቃሲ ባሪንጉጌ ኣሳቴላ ጊልቁሲያዋን ኣዴዳ ኤራንቻ ማላቴና፤ ሺን ኣሹዎ ኣሙዎ ዲጋናው ጎዒና።

3

1 ሲሚ ሂንቴንጉጌ ኪሪሰቶሳና ሃዪቁዋፔ ዴንዴዳዎ ጊዶፔ፡ ያሳፔ ኡሹቻ ባጋና ኡቴዳ ኪሪሰቶሲ ዴዒያሳን ሳሉዋን ዴዒያዎ ሚኒሲ ኮዪቴ።

2 ሳሉዋን ዳዒያዋ ሂንቴንቴ ቆፓናቴ ኣቲን፡ ሳዓን ዳዒያዋ ቆፖፒቴ።

3 ኣዩሲ ጎፔ፡ ሂንቴንቴ ሃዩቄዲታ፤ ቃሲ ሂንቴንቴ ሸምፑ ያሳን ኪሪሰቶሳና ጌሜዳ።

4 ሂንቴው ዴዖ ጌዴዳ ኪሪሰቶሲ ቆንጨያ ዎዴ፡ ሄ ዎዴ ሂንቴካ ኣናና ቦንቹዋን ቆንጫና።

ኤጫኔ ኦራሳ ዴዑዋ

5 ሄዎ ዲራው፡ ሂንቴንቴን ዳዒያ ሃ ሳዓ ኣሞቱዎ ዎቂቴ፤ ሄዎንቴካ ዎሹሚያዎ፡ ቱናቴላ፡ ዎሹማናው ኮዩያዎ፡ ኢታ ኣሙዎ፡ ሚሻ ኣሞቲያዎ። ዮራንቻ ጌዲሳይ ኤቃው ጎዩኒያዎፔ ዲማቴና።

6 ሃዎንቴ ጋሱዋን፡ ያሳይ ኣዛዘቴና ኣሳቱዎ ሃንቄታናዎ።

7 ካሴ ሂንቴንቴ ሃ ኢታ ቆፋቴዋን ዳዒያ ዎዴ ኡንቴንቴን ሞዴቴዲታ።

8 ሺን ሃዒ ሂንቴንቴ ቃሲ ሃንቁዎ፡ ዩሉዎ፡ ኢፀዎ፡ ሂንቴንቴ ደናፔ ኬሲያ ጫሻኔ ዩላዩያ ሃሳያ ሃዎንታ ኡባ ሂንቴፔ ቆዩሲቴ።

9 ኢቱ ኢቶ ዎርዶቶፒቴ፤ ኣዩሲ ጎፔ፡ ናጋራንቻ ሜዴታ ኣ ኦሱዎና ሂንቴፔ ቆዩሲ ዲጌዴ።

10 ያሳይ፡ ኣ ሜዴዳዌ፡ ባሬና ማላቲሳናዉኔ ባሬው ዳዒያ ኤራቴላ ኡባ ኢማናው፡ ኡባ ዎዴ ኦራሴያ ኦራሳ ሜዴታ ማዩዲታ።

11 ሃ ኦራሳ ሜዴታን፡ ጌሪኬ ኣሳ ዎይ ኣዩሁዳ ኣሳ፡ ቃፃሬቴዳዎ ዎይ ቃፃሬቲቤናዎ፡ ኢማላቴዎኔ ኣይኔ ታማሪቤናዎ፡ ኣዩሊያ ዎይ ዎማኑዎ ጌዴ ሻኪያባይ ባዎ፤ ሁጹ ኣላሊ ኪሪሰቶሳ፤ ኢ ኡባንካ ዴዔ።

12 ሄዎ ዲራው፡ ያሳይ ዶሬዳዎንቴዳን፡ ጌሻኔ ሲቂያዎንታ ጌዲዴ፡ ማሮቴላ፡ ቃሬታ፡ ኬካቴላ፡ ሂንቴንቴ ሁጹያ ካዉሺያዎ፡ ኣሺኬቴላኔ ዳንዲያ ማዩቴ።

13 ኢቱ ኢቱዎዎ ዳንዳዩቴ፤ ኦኒኔ ባሬ ላጊያ ቦላ ሃንቁቴዳዌ ዴዖፔ፡ ኢቱ ኢቶ ኣቶ ያን። ኪሪሰቶሲ ሂንቴንቶ ኣቶ ጌዳዎዳን፡ ሂንቴካ ኣቶ ጌቴ።

14 ሄዎ ኡባ ቦላ፡ ኡባባ ኢቲፔ ሺሺ ቃቺያ ሲቁዎ ማዩቴ።

15 ኪሪሰቶሲ ኢሚያ ሳሮቴላይ ሂንቴንታ ሞዶ፤ ኣዩሲ ጎፔ፡ ያሳይ ሂንቴንታ ኢቲ ኣሳ ኡዲዴ፡ ሄ ሳሮቴላው ያሳይ ያሳ ጋላቲቴ።

16 ኪሪሰቶሳ ቃላይ ሂንቴንቴ ዎዛናን ኩሚዴ ዴዖ፤ ሂንቴንቶ ዳዒያ ኣዴዳ ኤራቴላ ኡባን ኢቱ ኢቱዎ ታማሪሲቴኔ ዙሪቴ፤

ሂንቴንቱ ዋዛናን ያሳ ጋላቲዳ፣ ዋሳኔ ማዚሙሪያ፣ ያሳ ሱንላ ጾቁ ኦሊያ ዬላ ዬደቲ።

17 ሂንቴ ኣይ ሃሳዪያዎ ዋይ ኣይ ኦሊያዎ ጊደፔካ፣ ኣዉዎ ያሳ ዬሱሳ ባጋና ጋላቲዳ፣ ኦሊያዎ ኡባ ጎዳ ዬሱሳ ሱንላን ኦሊቲ።

ኣማኒያ ኣሳቱዎ ጎሌን ዴዓናው ቤሲያ ዎጋ

18 ማቼቶ፣ ኣማኒያ ኣሳው ቤሲያዎዳን፣ ሂንቴንቱ ኣሲናው ሞዴቲ።

19 ኣቱማ ኣሳቶ፣ ሂንቴንቱ ማጫ ኣሳ ሲቂቲ፤ ኡንቱንቲና ዎፑ ጊዴ ዴዒቲ።

20 ናቶ፣ ሂንቴንታ ዬሌዳዎንቶ ኡባባኒ ኣዛዘቲ። ኣዪሲ ጎፔ፣ ሂንቴንቱ ኡንቱንቶ ኣዛዘቲያዎ ያሳ ዳሮ ናሼቼ።

21 ኣዎቶ፣ ሂንቴንቱ ናናይ ዎዛና ባዬና ማላ፣ ኡንቱንታ ዪሎዮፕ።

22 ኣዪሌቶ፣ ሳዓን ሂንቴንቶ ጎዳ ጊዲያዎንቶ ኡባባኒ ኣዛዘቲ፤ ጎዳው ያዪዳ፣ ሱሬ ዎዛናን ኦሊቲፔ ኣቲን፣ ኣሳ ናሼቻናዉኔ ኣሳይ ቤዎ ጊያዎን ኣዛዘቲያዎንታ ጊደፕ።

23 ሂንቴ ኦሊያ ኦሱ ኡባ ኣሳው ጊዴናን ጎዳው ኦሊያዎዳን፣ ዎዛናፔ ኦሊቲ።

24 ጎዳ ኪሪሰቶሳው ሂንቴንቱ ኦሊያ ዲራው፣ ኢ ባሬዎንቶ ኢማናው ጊሊሲ ዎሌዳዎ ሂንቴንቱ ላታናዎ ኣኮኪቲ።

25 ባለባ ኦሌዳ ኡራይ ኦኒኔ፣ ባሬ ኦሌዳ ባለዳን ዎይታ ኣካና፤ ኣዪሲ ጎፔ፣ ያሳይ ፐርዲዳ፣ ኦናኔ ማዴና።

4

1 ጎዳቶ፣ ሂንቴዉካ ሳሎዎን ጎዳይ ዴዒያዎ ኤሪዳ፣ ሂንቴንቱ ኣዪሌቶ ዲሎቴላኒኔ ሱሬቴላን ኮሺያዎ ኦሊቲ።

ዘሪያ

2 ያሳ ኣጌናን ዎሲቲ፤ ቃሲ ዎሲዴ ኣዛሌናን፣ ኣ ጋላቲዳ ዎሲቲ።

3 ቃሲ ሂንቴንቱ ዎሲያ ዎዴ ኡባን፣ ካሴዴፔ ኣሳው ቆንጨቤናዎ፣ ኪሪሰቶሳዎ ኦኒ ኦዳና ማላ፣ ያሳይ ኦሲ ኢንጃያናዳን፣ ኦሲካ ያሳ ዎሲቲ፤ ኣዪሲ ጎፔ፣ ሃዒ ታኒ ቃሾ ጎሊያን ዴዒያዎ ሃዎሳ።

4 ቃሲካ ታኒ ቤሲያዎ ኮና ቆንጨሳዴ ሃ ዬዉዎ ኦዳና ማላ፣ ታው ያሳ ዎሲቲ።

3:16 ኤፌ 5:19-20 3:18 ኤፌ 5:22፤ 1ጳፅ 3:1 3:19 ኤፌ 5:25፤ 1ጳፅ 3:7 3:20 ኤፌ 6:1 3:21 ኤፌ 6:4 3:22 ኤፌ 6:5-8 3:25 ዛር 10:17፤ ኤፌ 6:9

5 ሂንቴው ደዲያ ወዲያ ጎረቤታችን ባደናገሰን ጳጳሳችን፣ አማኔናዎንቴ ማታን ጨንጨቴላን ደዲቴ።

6 ሂንቴንቴ እሳ ኡባው ዎቲ ዛራናው ቤሲንቶ ኤራና ማላ፣ ሂንቴንቴ ሃሳያይ ኡባ ዎዴ፣ ሲሳናው ሎዲያዎኔ ናሹቸያዎ ጊዳናው ቤሴ።

ወርሴላ ሳርታ

7 ኑ ሲቆ አሻይ ተከቆሲ፣ ታናና ኢቲፔ ጎዳ ኦሱዋን ቆማ ጊዳዳ አማኔቲያ ኦሳንቻይ፣ ታ ደዑዋባ ሂንቴንታ ኤሪሳና።

8 ታኒ አ ሂንቴኮ ከቲያዌ፣ ኑኒ ዋኒ ደዲንቶ ሂንቴንቶ ኢ ኦዲዴ፣ ሂንቴንታ ማንጮላና ዲራሳ።

9 አናሲሞሲ፣ አማኔቲያ ሲቆ አሻይ፣ ሂንቴንቴ ጋዴዌ፣ አናና ኢቲፔ ሂንቴኮ ቤ፤ ኡንቴንቴ ሃዋን ሃኒያ ኡባባ ሂንቴንታ ኤሪሳና።

10 ታናና ቃሹዋን ደዲያ አሪሰዲሮኮሲኔ ባርናባሳው አወዋ ጊዳዳ ማርቆሲ ሂንቴንታ ሳርቲና፤ ታኒ ሂንቴንታ ካሴ አዛዜዳዎዳን፣ ማርቆሲ ሂንቴኮ ቦፔ፣ ዎዛናፔ አ ሞኪቴ።

11 ዮሰታሳ ጊያ ዬሱሲካ ሂንቴንታ ሳር ሳር ጌ፤ አዪሁዳ አሳቱዋፔ ታናና ያሳ ካወቲላው አሊያዌ፣ ሃ ሄዙ አሳቱዋፔ ሃራይ ባዎ፤ ሃዋንቴ ታና ዳር ማዴዲኖ።

12 ኤፓፊሪ፣ ሂንቴንቴ ጋዴዌ፣ ከሪሰቶሲ ዬሱሳ ቆማይ፣ ሂንቴንታ ሳር ሳር ጌ። ኢ ሂንቴንቴ ያሳን ማኒዴ ኤቃናዳኒኔ ያሳይ ኮዪያዌ ኡባይ አዬንቶ ኤሪዴ፣ ፖሊ አማናናዳን፣ ኡባ ዎዴ ያሳ ማኒሲ ዎሴ።

13 አዪሲ ጎፔ፣ ኢ ሂንቴንቶ፣ ሎዶቂያ አሳወኔ ሃራፖሊሳ ጊያ ካታማ አሳው ዳር ዳቡሪያዎ ታኒ ማርካታይ።

14 ኑ ሲቆ ዶቶሪ ሉቃሲኔ ደማሲ ሂንቴንታ ሳር ደዲቴ ያጊኖ።

15 ሎዶቂያን ደዲያ ኑ አሻቶኔ ኒምፒው ቃሲ ኢዚ ጎሊያን ሺቂያ አማኒያ አሳቶ ኑ ሳርታ ኦዲቴ።

16 ሃ ዳቢዳቢያ ሂንቴንቴ ናባቤዳዎፔ ጉዪያን፣ ሎዶቂያ አማኒያዎንቶካ ናባቢሲቴ፤ ሂንቴካ ሎዶቂያ አማኒያዎንቶካ ሂንቴንቶ ዬዲያ ዳቢዳቢያ ናባቢቴ።

17 ቃሲ አርኪፖሳው፣ «ጎዳይ ኔው አሜዳ ኦሱዋ ፖላናዎ ዶጎፓ» ያጊዴ ኦዲቴ።

18 ታኒ ጳውሎሲ፣ ታ ኩሺያን ሳርታ ፃፊዳዎ ሃዎ ቤዲቴ፤ ታኒ ቃሹዋን ደዲያዎ ዶጎፒቴ።

4:9 ጥም 10-12 4:10 ከት 19:29፤ 27:2፤ ጥም 24፤ ከት 12:12፣ 25፤ 13:13፤ 15:37-39 4:12 ቆል 1:7፤ ጥም 23 4:17 ጥም 2

ጾሳ ኣቶ ኬካቴላይ ሂንቴንቴና ጊድ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c